

**Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)**

**i**

**MOTO SERVIS AB d.o.o Sarajevo, Radnička 44, ID: 4202246060009, koga zastupa direktor Adin Bajraktarević (u daljem tekstu: Dobavljač)**

**zaključili su:**

## **UGOVOR O NABAVCI POLICIJSKE OPREME MOTOCIKLI**

### **Član 1.**

Predmet ovog ugovora je nabavka policijske opreme - dva motocikla PIAGGIO - TYPHOON, za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem otvorenog postupka, na osnovu Odluke broj 02-11-4-2466-16 od 26.10.2020. godine.

### **Član 2.**

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Dobavljača broj: 001/20 i na osnovu koje je, zajedno sa elementima iz tenderske dokumentacije i sačinjen ovaj ugovor. Ponuda Dobavljača broj 001/20 je sastavni dio ovog ugovora.

### **Član 3.**

Ukupna vrijednost predmetne nabavke sa uključenim PDV-om iznosi:  
10.870,00 (desethiljadaosamstotinasedamdeset i 00/100) KM

Cijena i ostali elementi ovog ugovora se ne mogu mijenjati.

### **Član 4.**

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

### **Član 5.**

Dobavljač se obavezuje da će robu iz člana 1. ovog ugovora isporučiti najkasnije u roku od 60 (šezdeset) dana od dana stupanja na snagu ovog ugovora, na adresu Ugovornog organa, Zmaja od Bosne 9, 71 000 Sarajevo.

Sve troškove isporuke do primopredaje, kao i troškove reklamacije snosi Dobavljač. Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. i 2. ovog ugovora. Kašnjenje u realizaciji ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog ugovora.

### **Član 6.**

Ugovorni organ i Dobavljač će obaviti zapisnički prijem policijske opreme. U zapisnik se unosi količina isporučene robe te evidentiraju mogući vidljivi nedostaci na istoj.

Plaćanje izabranom ponuđaču će se vršiti u roku od 30 (trideset) dana od dana uredne isporuke policijske opreme (motocikli) i dostavljanja fakture, na tekući račun Dobavljača.

#### Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba/policijska oprema nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

#### Član 8.

Garancija Dobavljača na isporučenu policijsku opremu iznosi:

– 2 (dvije) godine i počinje da teče od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

#### Član 9.

Na ostala prava i obaveze ugovornih strana, koja nisu regulisana ovim ugovorom primjenjivat će se odredbe Zakona o obligacionim odnosima.

#### Član 10.

Eventualno nastale sporove pri realizaciji ovog ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

#### Član 11.

Svaka od Ugovornih strana može otkazati ovaj ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

#### Član 12.

Ovaj ugovor je zaključen, kada isti potpišu obje ugovorne strane i važi do izmirenja dužničko-povjerilačkih odnosa.

#### Član 13.

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

**DOBAVLJAČ**  
**MOTO SERVIS AB d.o.o Sarajevo**

  
\_\_\_\_\_  
**direktor Adin Bajraktarević**



**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

\_\_\_\_\_  
**POLICIJSKI KOMESAR**  
**Generalni inspektor policije**  
**Nusret Selimović**



Broj: 011/20  
Datum: 20.11.2020

Broj: 02-11-4-2466-21  
Datum: 18.11.2020. godine